

20 MEDIUM TERM BUDGET 25 POLICY STATEMENT (MTBPS)

TOKOMANE YA TSHEDIMOSO SEPEDI

MTBPS KE ENG?

Setatamente sa Pholisi ya Ditekanyetšo tša Tlaleletšo (MTBPS) se hlagiša tlhako ya pholisi ya Ditekanyetšo yeo e tšweletšwago ka Hlakola ye nngwe le ye nngwe, e mpshafatša diponelo tša ekonomi tša Matlotlo a Bosetšhaba, e akanyetša dipalo tša ditekanyetšo tša tlaleletšo, e beakanya ditekanyetšo tša dikgoro tša mmušo tša ngwaga wa bjale wa ditšhelete gomme o dira diphetogo tša tšhoganetšo go tšhomišo ya tšhelete.

KE KA LEBAKA LA ENG MTBPS E LE BOHLOKWA?

MTBPS e kgatha tema ye bohlokwa tshepedišong ka moka ya ditekanyetšo ka gobane e hlagiša tlhako ya tša ditšhelete (yeo e laetšago dikakaretšo tše di nabilego tša ditekanyetšo tša palomoka ya letseno, ditshenyagelo le dikadimo tša ngwaga wo o filwego) bakeng sa ditekanyetšo tša bosetšhaba tše di latelago. Efa gape Palamente le naga ka kakaretšo mpshafatšo ya ka moo Kgoro ya Matlotlo e lemogago maemo a bjale a ekonomi ka gona. Ditekanyetšo ke sedirišwa se bohlokwa kudu sa ekonomi sa mmušo, ka ge di laetša ditlapele tša pholisi ya ekonomi ya leago tša naga ka go fetolela

ditlapele le maitlamo a dipolotiki go ditshenyagelo. Tona Godongwana o letetšwe go tšweletša tebelelo ya ekonomi ya Afrika Borwa bjalo ka ge e sekasekwa le go boletšwe pele ke Kgoro ya Matlotlo a Bosetšhaba. Tebelelo ya ekonomi ke tebelelo ye e boletšwego pele ya gore ekonomi e tla šoma gabotse gakaakang mo kotareng ye e tlogo, ngwaga goba nako ye telele. Se se tla akaretša ditekanyetšo tša infleišene, kgolo ya tšweletšo, tlhokego ya mešomo le tekatekano ya kgwebišano. Tebelelo ya ekonomi e bohlokwa kudu ebile e hlokometšwe kgauswi ke babeeletši, ditheo tša tekanyetšo, batšhedišwa le badudi ka kakaretšo.

DITONA TŠA KAROLO YA MOŠOMO DI BEAKANYA BJANG DITEKANYETŠO TŠA TŠONA?

Dikgoro le ditheo tša bosetšhaba le tša profense di laola ditshepedišo tša tšona tša ka gare go beakanya ditlhagišo tša ditekanyetšo tša ditshenyagelo go sepelelana le dinyakwa tše di hlalošitšwego ka go ditlhahli tša ditekanyetšo le go ya ka maanotshepetšo le maano a mangwe. Ke moka ditlhagišo di dirwa go NDP, MTSF le Tlhako ya go Bea Ditekanyetšo



TOKOMANE YA TSHEDIMOSO

#MTBPS2025

Pele ya DPME. NT (PF, IGR, BO) e tsenya dihlongwa tše dipoledišanong tša sehlophatšhomo/mahlakore a mabedi ao dipelo tša ona e lego ditseno tša Matlotlo a Bosetšhaba, moo diforamo tše di fapafapanego tše di laetšwego di akanyago ditšhišinyo tša MTEC.

TSHEPETŠO YA PALAMENTE YA MTBPS

Mabapi le MTBPS, dipego dihlagišwa ke Palamente ka ga tlhako ya tša ditšhelete ya MTEF le karoganyo ya letseno (DOR), pele ga ge khuduthamaga e phethagatša ditekanyetšo.

GO DIREGA ENG KA MORAGO GA GO ALWA GA MTBPS?

Ka morago ga go alwa ga MTBPS, Dikomiti tša Palamente (Dikabo le Ditšhelete) di dira ditheeletšo tša setšhaba le bakgathatema ba maleba. Ditlhagišo di amogelwa go tšwa

go baamegi nakong ya ditheeletšo tša setšhaba. Ka morago ga fao, dikomiti di lokišetša pego gomme di e ala ka Sebokeng sa Maloko a Palamente, seo se hlahlobago gape ditšhišinyo tša ditshenyagelo le letseno. Matšatši a masometharo ka morago ga go ala MTBPS, dikomiti tša ditšhelete tša Dintlo tše pedi di swanetše go bega ka ga tlhako ye e šišintšwego ya ditšhelete gomme dikomiti tša Dikabo di swanetše go bega ka ga karoganyo ye e šišintšwego ya letseno le dikabo tša dithušo go diprofense le mebušo ya selegae. Ke moka go akanywa Molaokakanywaphetošwa wa Karoganyo ya Lekgetho (DORA).

Follow National Treasury on the following social media platforms:



@Treasury_RSA



National Treasury RSA



National Treasury RSA



@treasuryrsa

www.treasury.gov.za



national treasury

Department:
National Treasury
REPUBLIC OF SOUTH AFRICA

